

**ISEBE LEMICIMBI YOKUSINGQONGILEYO NOCWANGCISO LOPHUHLISO
UMTHETHO WOKULONDOLOZWA KWENDALO YESIZWE: WEENDAWO
ZOLONDOLOZO EZIKHUSELWEYO, 2003 (UMTHETHO 57 KA-2003)
ISAZISO SENJONGO YOKUBHENGEZA INDAWO YOLONDOLOZONDALO
IZEBRASKOP**

UMphathiswa wePhondo woRhulumente beeNgingqi, iMicimbi yokuSingqongileyo noCwangciso loPhuhliso eNtshona Koloni (uMphathiswa wePhondo) —

(a) phantsi kwecandelo 33(1)(a) loMthetho wokuLondolozwa kweNdalo yeSizwe: UMthetho weeNdawo zoLondolozo eziKhuselweyo, 2003 (uMthetho 57 ka-2003) (uMthetho), unika isaziso senjongo yakhe—

(i) yokubhengeza, phantsi kwecandelo 23(1)(a)(i) loMthetho, le mimandla ilandelayo njengendawo yolondolozo ndalo (indawo ekujongwe ukuba yenziwe eyolondolozo ndalo):

(aa) IFama iSaffraanrivier enguNombolo 255, emi kuMasipala wase-Oudtshoorn, kwiCandelo laseOudtshoorn, kwiPhondo laseNtshona Koloni; kubungakanani: 1078, 0562 (IWaka elinamaShumi asiXhenxe anesiBhozo khoma iQanda isiHlanu isiThandathu isiBini) seehekthare; ephantsi kweSiqinisekiso soNikezelo loMhlaba esinguNombolo T29673/2020;

(bb) INxalenye 5 yeFama iZeebras Kop enguNombolo 190, emi kuMasipala waseOudtshoorn, kwiCandelo laseOudtshoorn, kwiPhondo laseNtshona Koloni; kubungakanani: 894, 1553 (AmaKhulu asiBhozo namaShumi aliThoba aneSine khoma isiNye isiHlanu isiHlanu isiThathu) seehekthare; ephantsi kweSiqinisekiso soNikezelo loMhlaba esinguNombolo T29673/2020; kunye

(cc) NeNtsalela yeFama iZeebras Kop enguNombolo 190, emi kuMasipala waseOudtshoorn, kwiCandelo laseOudtshoorn, kwiPhondo laseNtshona Koloni; kubungakanani: 1889, 9921 (IWaka elinamaKhulu asiBhozo namaShumi asiBhozo aneThoba khoma iThoba iThoba isiBini isiNye) seehekthare; ephantsi kweSiqinisekiso soNikezelo loMhlaba esinguNombolo T29673/2020,

imida yawo eboniswe kwimephu kwiShedyuli; kwaye

(ii) yabelwa phantsi kwecandelo lama-23(1)(b) loMthetho, igama “INdawo yoLondolozo Ndalo iZebraskop” kwindawo ekujongwe ukuba yenziwe eyolondolozo ndalo;

(b) wazisa ukuba indawo indawo ekujongwe ukuba yenziwe eyolondolozo ndalo imi kwintshona R328 kufuphi nomda okumantla weNdawo yoLondolozo Ndalo iRuitersbos ekhoyo, malunga

ne35 km kumzantsi-ntshona ukusuka eOudtshoorn, idolophu ekufutshane, njengoko kubonisiwe kwimephu kwiShedyuli;

- (c) wazisa ukuba iCapeNature ivavanye indawo ekujongwe ukuba yenziwe eyolondolozo ndalo, kwaye kuyabonakala kolu vavanyo ukuba le ndawo ekujongwe ukuba yenziwe eyolondolozo ndalo iqulethe iqela leempawu ezenza ukuba ikufanele ukubhengezwa njengendawo yolondolozo ndalo lwendalo;
- (d) wazisa ukuba inyathelo ekujongwe ukuba lenziwe ekubhekiselwe kulo kumhlathi (a)(i) liyahlangabezana neemfuneko zecandelo 23(2)(b)(i) no-(iii) loMthetho, njengoko lijolise ekukhuseleni indawo ekujongwe ukuba yenziwe eyolondolozo ndalo, eneempawu zendalo ezibalulekileyo okanye iintlobontlobo zezityalo nezilwanyana eziphilayo kwaye idinga ukhuseleko ukuze kugcinwe iintlobontlobo zezityalo nezilwanyana eziphilayo okanye ukubonelela ngempahla neenkonzozo zokusingqongileyo;
- (e) wazisa ukuba imixholo yeShedyuli neenkucakacha zovavanyo ekubhekiselwe kulo kumhlathi (c) ingajongwa ku-<https://www.capenature.co.za/protected-areas-and-stewardship>;
- (f) wazisa ukuba uMphathiswa wePhondo akazi, kweli nqanaba, nawaphi na amalungelo anokubakho okanye umdla woluntu lwasekuhlaleni, okanye abachaphazelekayo ngaphandle komnini wendawo ekujongwe ukuba yenziwe eyolondolozo ndalo, enokuchatshazelwa zizenzo ekujoliswe kuzo ekubhekiswa kuzo kumhlathi (a);
- (g) umema amalungu oluntu ukuba angenise kuMphathiswa wePhondo iziphakamiso ezibhaliweyo okanye izichaso ngokuphathelele kwisibhengezo esicetywayo esichazwe kumhlathi (a) kwiintsuku ezingama60 ukusuka kumhla wokupapashwa kwesi saziso kwiGazethi yePhondo, ngoku—

(i) zithumela ngeposi iziphakamiso okanye izichaso ku-:

Gqirha Ashley Naidoo
IGosa eliyiNtloko leSigqeba
INgqale kuNks. Kaylin Reid
CapeNature
Private Bag X29
Gatesville 7766;

(ii) zithumela ngesandla iziphakamiso okanye izichaso ku-:

Nks. Kaylin Reid
UMcebisi wezoMthetho
CapeNature
kwiKona yeSitalato iBosduif neVolstruis

Bridgetown

Athlone; okanye

(iii) zithumela ngeimeyili iziphakamiso okanye izichaso ku-:

kreid@capenature.co.za; kwaye

(h) umema abantu abanomdla okanye abachaphazelekayo ukuba, kwiimeko ezifanelekileyo, bathumele iziphakamiso zomlomo okanye izichaso kuMphathiswa wePhondo, okanye umntu otyunjwe nguMphathiswa wePhondo, kwixesha elichazwe kumhlathi (g).

Iziphakamiso okanye izichaso ezibhaliweyo, okanye iziphakamiso okanye izichaso zomlomo ezifunyenwe, emva komhla wokuvala zisenokungahoywa.

Imibuzo ingathunyelwa kuNks. Kaylin Reid ku-087 087 4102.

ISHEDYULI

IMEPHU

